

Bosna i Hercegovina
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO FINANSIJA



Bosnia and Herzegovina
FEDERATION OF BOSNIA AND
HERZEGOVINA
ZENICA-DOBOJ CANTON
MINISTRY OF FINANCE

Broj: 02-14-11715-8-2/16
Zenica, 18.08.2016.godine

UniCredit Bank dd.
ul. Zelenih beretki br. 24., 71000 Sarajevo

PREDMET: Obavještenje kandidata i ponuđača o rezultatima postupka javne nabavke – *dostavlja se*

U skladu sa članom 70. stav (2) i članom 71. stav (1) Zakona o javnim nabavkama („Službene glasnik BiH“ broj: 39/14), obavještavamo Vas, kao ponuđača u postupku javne nabavke za pružanje usluga dugoročnog kreditnog zaduženja Zeničko-dobojskog kantona u 2016. godini, da je Vlada Zeničko-dobojskog kantona donijela Odluku o izboru najpovoljnijeg ponuđača za LOT 1, broj: 02-14-14495/16 od 16.08.2016. godine, koju Vam dostavljamo u prilogu, zajedno sa Zapisnikom Komisije o pregledu i ocjeni ponuda, broj: 02-14-11715-3-16 od 11.08.2016. godine.

Postupak nabavke pokrenut je Odlukom Vlade Zeničko-dobojskog kantona o pokretanju procedure dugoročnog kreditnog zaduženja Zeničko-dobojskog kantona u 2016. godini, broj: 02-14-11715/16 od 16.06.2016. godine. Javna nabavka je provedena u otvorenom postupku u skladu sa Zakonom o javnim nabavkama („Službeni glasnik BiH“, broj: 39/14), sa slijedećim osnovnim uslovima:

LOT 1 - iznos glavnice duga – iznos kredita u visini od 15.000.000,00 KM (slovima: petnaestmiliona KM i 00/100 KM), sa rokom otplate do 48 mjeseci (u koji nije uključen grace period) i sa okvirnom vrijednošću ugovora (ukupnim iznosom kamata sa svim drugim troškovima kredita izraženim u KM za cijeli period otplate kredita) u iznosu do maksimalno 2.800.000,00 KM, te:

- a) grace period: do 31.12.2017. godine (ne uračunat u rok otplate),
- b) forma duga: dugoročni unutrašnji dug u formi zajma, zaključivanjem kreditnog sporazuma - ugovora sa napovoljnijim ponuđačem nakon okončane procedure javne nabavke,
- c) sredstvo obezbjeđenja: mjenice (bez hipotekarnog obezbjeđenja),
- d) svrha zaduženja: finansiranje budžetskog deficita Zeničko-dobojskog kantona,
- e) zaduženje se vrši uz poštivanje odredbi člana 7. Zakona o dugu, zaduživanju i garancijama u FBiH i u okviru ograničenja duga koji je uspostavila Skupština Zeničko-dobojskog kantona Budžetom Zeničko-dobojskog kantona za 2016. godinu i Zakonom o izvršavanju Budžeta Zeničko-dobojskog kantona za 2016. godinu,
- f) uvjeti otplate: kvartalna otplata,
- g) mogućnost zajedničkog učešća: dozvoljena,
- h) pretpostavljeni rok povlačenja sredstava: do 5 mjeseci.

Za LOT – 1 pristigla je samo jedna ponuda ponuđača i to ponuda ponuđača UniCredit Bank dd.

Primjenom člana 64. stav (1) tačka b) Zakona o javnim nabavkama BiH („Službeni glasnik BiH“ broj: 39/14), kao najpovoljniji ponuđač izabran je ponuđač UniCredit Bank dd.

Pouka o pravnom lijeku:

Protiv Odluke o odbacivanju ponude i poništenju dijela postupka nabavke za LOT 2, odnosno ovog Obavještenja može se izjaviti žalba Vladi Zeničko-dobojskog kantona u roku od 10 (deset) dana od dana prijema.

S poštovanjem.

Dostaviti:

1x UniCredit Bank dd., ul. Zelenih beretki br. 24., 71000 Sarajevo,

1x INTESA SANPAOLO BANKA d.d. BOSNA I HERCEGOVINA, Obala Kulina bana 9a, 71000

Sarajevo,

1x Komisija.

1x a/a.

Ministar
Andrej Kajić



Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10) i člana 70. stav (1), (2) i (3) Zakona o javnim nabavkama ("Službeni glasnik BiH" broj: 39/14), Vlada Zeničko-dobojskog kantona, kao ugovorni organ, na 66. sjednici, održanoj 16.08.2016. godine, d o n o s i

O D L U K U

o izboru najpovoljnijeg ponuđača za LOT 1

Član 1.

(Izbor najpovoljnijeg ponuđača)

Ponuda ponuđača UniCredit Bank dd., ul. Zelenih beretki br. 24., 71000 Sarajevo, za LOT 1 otvorenog postupaka javne nabavke za pružanje usluga dugoročnog kreditnog zaduženja Zeničko-dobojskog kantona u 2016. godini, koji je objavljen dana 27.06.2016. godine u 15,06 h na Portalu Agencije za javne nabavke, pod brojem: 771-1-2-6-3-5/16, kao jedina ponuda pristigla za ovaj LOT, proglašava se najpovoljnijom, te se izabranom ponuđaču dodjeljuje ugovor za pružanje usluga dugoročnog kreditnog zaduženja Zeničko-dobojskog kantona u 2016. godini, za LOT-1.

Član 2.

(Nastavak aktivnosti)

(1) Ugovorni organ će putem Ministarstva finansija Zeničko-dobojskog kantona ovu odluku i pismeno obavještenje o rezultatima postupku nabavke, u skladu sa članom 70. stav (2) i članom 71. stav (1) Zakona o javnim nabavkama, zajedno sa Zapisnikom o pregledu i ocjeni ponuda dostaviti svim učesnicima postupka, a najkasnije u roku od sedam dana od dana donošenja ove Odluke.

(2) Ugovorni organ će putem Ministarstva finansija dostaviti na potpis izabranom ponuđaču prijedlog ugovora, nakon isteka roka od 15 dana računajući od dana kada su svi ponuđači obaviješteni o izboru najpovoljnije ponude, u skladu sa članom 72. Zakona o javnim nabavkama.

(3) Najkasnije 30 dana od dana zaključivanja ugovora, ugovorni organ će putem Službe za zajedničke poslove Zeničko-dobojskog kantona objaviti obavještenje o dodjeli ugovora u skladu sa odredbama člana 74. Zakona o javnim nabavkama i dostaviti Izvještaj o postupku javne nabavke, Agenciji za javne nabavke BiH, u skladu sa odredbama člana 75. Zakona o javnim nabavkama.

Član 3.

(Stupanje na snagu i objava Odluke)

(1) Odluka stupa na snagu danom donošenja i objavit će se u „Službenim novinama Zeničko-dobojskog kantona“.

(2) Odluka će se putem Stručne službe Vlade objaviti i na internetskoj stranici Vlade Kantona, i to istovremeno s upućivanjem odluke ponuđačima koji su učestvovali u postupku javne nabavke.

Pouka o pravnom lijeku: Protiv ove Odluke može se izjaviti žalba Vladi Zeničko-dobojskog kantona u roku od 10 (deset) dana od dana prijema ove Odluke.

Broj: 02-14-14495/16.

Datum, 16.08.2016. godine

Z e n i c a

DOSTAVLJENO:

1x Komisija,

1x UniCredit Bank dd., ul. Zelenih beretki br. 24., 71000 Sarajevo, putem Ministarstva finansija,

1x INTESA SANPAOLO BANKA d.d. BOSNA I HERCEGOVINA, Obala Kulina bana 9a, 71000

Sarajevo, putem Ministarstva finansija,

1x Služba za zajedničke poslove,

1x Ministarstvo finansija,

1x Stručna služba Vlade,

1x a/a.

